

मार्निंग डोगरी न्यूज बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै नरेश शर्मा।

Headlines

1. लेफ्टिनेंट गवर्नर मनोज सिन्हा होरें मन्ने-परमन्ने दे समाजसेवी ते BHU विद्यार्थी संघ दे साबका प्रधान बाबू मारकंडेय सिंह होरें'गी श्रद्धांजलि अर्पित कीती।
 2. एल.जी प्रशासन नै जम्मू-कश्मीर पुलस च भर्ती सरबन्धी नियमें दा मसौदा सार्वजनिक करदे होई बक्ख-बक्ख सरबन्धत धड़ें थमां ऐतराज ते मशवरे मंगे न।
 3. आतंकवादी खतरें गी तबाह करने ते अंदरूनी सुरक्षा बवस्था गी निगगर बनाने लेई जम्मू-कश्मीर पुलस, आर्टिफिशल इंटेलीजेंस कन्नै लैस सुरक्षा प्रणाली लागू करग।
 4. नमें ब'रे शा पैहले घुसपैठ दी शेंका दे मददेनजर जम्मू ते पंजाब दे अगेत्रे इलाकें च सुरक्षाबलें गी हाई अलर्ट पर रक्खेआ गेदा ऐ।
 5. मशहूर सैलानी थाह पहलगाम च विंटर कार्निवल दा आयोजन, सैलानिएं गी मुख परौहने दे तौर पर सम्मानित कीता जा'रदा ऐ।
- हून खबरें दी तफसील कन्नै विजय बजाज।

<><><><><><>

LG-Varanasi Visit

लेफ्टिनेंट गवर्नर मनोज सिन्हा होरें मन्ने-परमन्ने दे समाजी कार्यकर्ता ते बनारस हिंदु युनिवर्सिटी दे विद्यार्थी संघ दे साबका प्रधान बाबू मारकंडेय सिंह होरेंगी कल श्रद्धांजलि अर्पित कीती। वाराणसी च उं'दे चेते च आयोजित इक कार्यक्रम दरान एल.जी होरें बाबू मारकंडेय सिंह हुं'दे जीवन ते कम्में पर लोs पाई। श्री सिन्हा होरें आखेआ जे बाबू मारकंडेय सिंह होरें निश्ठा, ज्ञान ते समर्पण भावना दे कन्नै नौजवानें दा मार्गदर्शन कीता ते उं'दा पूरा जीवन राष्ट्र निर्माण च जोगदान देने लेई युवा पीढ़ी दा मार्गदर्शन करने आहली इक प्रेरणा दे तौर समर्पित रेहा। एल.जी होरें आखेआ जे बाबू मारकंडेय सिंह होर सियासत च सादगी ते पवित्रता दे प्रतीक हे ते उं'दा जीवन साईसी उत्कृष्टता ते मनुक्खता दे प्रति समर्पण दा इक अनोखा मेल हा।

<><><><><><>

LG-JKP

लेफ्टिनेंट गवर्नर मनोज सिन्हा हुं'दे प्रशासन नै जम्मू-कश्मीर पुलिस (Subordinate) सेवा भर्ती नियम 2025 दा मसौदा सार्वजनिक करी दिता ऐ ते सरबंधत धड़ें सवां आपत्तियां ते सुझा बी मंगे न। जेल्लै एह कनून बनी जाहग तां एह संशोधित जम्मू-कश्मीर पुलिस (Subordinate) भर्ती नियम 160 दी थाह लेई लैग। गृह विभाग आसेआ जारी कीते गेदे इक्क अधिकारिक नोटिस मुताबक नियमें गी मुकदा रूप देने कोला पैहलें मसौदे गी मैहकमे दी अधिकारिक वैबसाइट <https://homejk.gov.in> पर जांच लेई अपलोड करी दिता गेदा ऐ। सरबंधत धड़ें गी आखेआ गेआ ऐ जे ओह नोटिस छपने मगरा 15एं दिनें दे अंदर-अंदर अपनी आपत्तियां ते सुझा दाखल कराई सकदे न।

AI- Enabled Security Grid

पाकिस्तान आसेआ चलाए जा'रदे आतंकवाद करी पैदा खतरें गी घट्ट करने ते अंदरूनी सुरक्षा बवस्था गी होर निग्गर बनाने दी कोशिश दे तैहत जम्मू-कश्मीर पुलसै भलेआं अज्जै-कल्लै दिएं स्हूलतें ते आर्टिफिशल इंटेलीजेंस कन्नै लैस इक सुरक्षा ग्रिड गी लागू करने दा ऐलान कीता ऐ। आकाशवाणी दे जम्मू संवाददाता दी रिपोर्ट मुजब अगली पीढ़ी दी इस प्रणाली दे कन्नै समूलचे जम्मू-कश्मीर ते खास करियै बन्ने आहले ते संवेदनशील इलाकें च निगरानी, खुफिया जानकारीयां हासल करने दी प्रक्रिया ते तुरत कार्रवाई आहली बवस्था होर मजबूत होग। ध्यानजोग ऐ जे रायपुर च पिछले दिनें लाई गेदी पुलस बलें दे ड़ैक्टर जनरलें ते इंस्पेक्टर जनरलें दी उच्ची सतह दी बैठक दरान इस पहलकदमी गी लागू करने पर सहमति बनी ही ते एह सुरक्षा तंत्र गी निग्गर बनावे होई भलेआं अज्जै-कल्लै दिएं तकनीकें दा इस्तेमाल करने दी सरकार दी बचनबद्धता गी दर्शादी ऐ।

Organic Farming Udhampur

खेतरे च बार-बार इक्कै किस्म दी फसल दी रड़ करने आहली बवस्था थमां दूर होंदे होई हुन जम्मू-कश्मीर दी कैंबल डंगा पंचायत दे केई सारे करसान जैविक खेती दी दिशा च अग्गे बधा'रदे न। इनें करसान परौआरें दि'यां महिलां जैविक उत्पादें गी बढ़ावा देने दी इक कोशिश दे तैहत रिवायती तरीकें दा इस्तेमाल करदे होई अचार बनाने आहले उद्यम कन्नै जुड़ा करदियां

न। कैबल डंगा पंचायत दी इक महिला ललिता देवी हुंदा आखना ऐ जे ओह जैविक खेती थमां बड़ा मता मुनाफा हासिल करा'रदियां न ते एह कम्म ओह अपने घरें च बैठे दे गै तोड़ चाढ़ा करदियां न। उंदा आखना ऐ.

तोआई, कैबल डंगा पंचायत दे इक करसान समीर मोहम्मद हुंदा आखना ऐ जे करसान अन्नदाता हुंदे न ते पूरी दुनिया दा टिड्ड भरने दा कम्म करदे न। इस्सै करिये उ'नें बी करसानी गी पेशे दे तौर पर चुनेआ। उंदा आखना ऐ

<><><><><><>

Best KVK Kathua

कठुआ आहले कृषि विज्ञान केंद्र गी ब'रे 2025 लेई जम्मू-कश्मीर दा सभनें शा बेहतरीन कृषि विज्ञान केंद्र घोशित कीता गेआ ऐ। स्कॉस्ट जम्मू च जंदी 22 थमां 24 दिसंबर तोड़ी आयोजित त्र'ऊं दिनें दी सलाना जोनल कार्यशाला दे दरान एह अवार्ड भेंट कीता गेआ जिसी के.वी.के कठुआ दे प्रमुख वैज्ञानिक डॉ. विशाल महाजन होरें हासल कीता। के.वी.के कठुआ गी एह सम्मान जोन इक्क दे तैहत दिता गेआ जेदे च जम्मू-कश्मीर, लद्दाख, हिमाचल प्रदेश, पंजाब ते उत्तराखंड शामिल हे।

<><><><><><>

ते हुन बाकि दिएं खबरें कन्नै नरेश शर्मा।

IB-Security Heightened

पाकिस्तान आहली बक्खी दा आतंकवादिएं दी घुसपैठ बारै थोई दिएं खूफिया जानकारीएं दी बिनाह उप्पर सुरक्षाबलें जम्मू च अंतर्राष्ट्री बन्ने कन्नै लगदे इलाकें सने गवांडी पंजाब राज्य दे बन्ने आहले जिलें च बी सतर्कता बधाई दिती ऐ। आकाशवाणी दे जम्मू संवाददाता दी रिपोर्ट मूजब, जम्मू खिते दे जम्मू, सांबा ते कठुआ जिलें च सुरक्षा बवस्था निगगर करने दे कन्नो-कन्नी सीमा सुरक्षा बल - बीएसएफ आसेआ पंजाब दे बन्ने आहले इलाकें च बी सुरक्षा सरबंधी हीले निगगर करी दिती गे न। ध्यानजोग ऐ जे मौसम विभाग दी पेशगोई मूजब, अगले इक म्हीने धोहड़ी एकड़े इलाकें च घनी धुंध दा पौना बरोबर जारी रेई सकदा ऐ जेहदी आड़ च आतंकवादी, बन्ने पारा घुसपैठ दिआं भैड़ी कोशशां करी सकदे न। हासल होई दिएं खूफिया जानकारीएं मूजब, पाकिस्तान आहली बक्खी बैठे दे आतंकवादी, माड़े मौसमी हालात ते घनी धुंध दा फायदा ठोआंदे होई पंजाब दे बन्ने आहले इलाकें जि'आं पठानकोट ते गुरदासपुर थमां घुसपैठ करी सकदे न।

<><><><><><>

VDGs-Training

फौज दी सेबर ब्रिगेड आसेआ जम्मू दे परमण्डल च ग्राम रक्षा गार्डें लेई इक सिखलाई कार्यक्रम दा सरिस्ता कीता गेआ, जेदा मकसद उंदी कारवाइयें सरबंधी तयारिएं ते सुरक्षाबलें कन्नै तालमेल च बाद्दा यकीनी बनाना ऐ। आकाशवाणी दे जम्मू संवाददाता मुजब इस सिखलाई कार्यक्रम दरान ग्राम रक्षा गार्डें गी उंदी कारवाइयें सरबंधी समर्थ च बाद्दा करने, थेआर चलाने ते जंग लड़ने सरबंधी बुनियादी हुनर दी सिखलाई दिती गेई ऐ। इस कार्यक्रम दा मकसद बन्ने आहले ते ग्रामीण इलाकें च समुदायें दी हिफाजत दे कम्मै च ग्राम रक्षा गार्डें गी मता तयार ते

असरदार बनाना ऐ। फौज दे अधिकारिएं दस्सेआ ऐ जे सिखलाई आहली इस किस्मै दियां पहलकदमियां थेआरबंद बलें ते मुकामी रक्षा समूहें बश्कार तालमेल गी तगड़ा बनाने च महत्वै आहली भूमिका निभांदियां न।

<><><><><><>

Winter Carnival

सैलसफा ते बसाह भरोसे गी बहाल करने दी कोशश दे तौर पर दुनिया च मशहूर सैलसफा आहली थाह पहलगाम च वीरवारें 7 रोजा विंटर कार्निवल दी शुरूआत होई। पहलगाम विकास प्राधिकरण नै सैलसफा मैहकमे दे सहयोग कन्नै इलाके च सेलसफा गी बढ़ावा देने लेई वाइब्रेंट विंटर कार्निवल दी शुरूआत कीती। इत्थै आए दे सैलानिएं दा मुख्ख परौहने दे तौर पर सुआगत कीता गेआ। इस दरान रंगारंग सांस्कृतिक प्रोग्राम होए, मुकामी कला, रिवायती व्यंजन ते स्टाल लाए गे। एह कार्निवल 31 दिसंबर तोड़ी चलग। पहलगाम होटल एसोसिएशन दे उपाध्यक्ष होरें आखेआ जे .

<><><><><><>